

房山縣志

吳春鴻題



房山縣志卷之三

古蹟

一往不復者古也千古長存者蹟也山河依舊人傑而地自多靈歲月如流世遠而名偏不朽賴蹟以存之也是以過古宮而見離黍可泣可歌尋往跡而話滄桑傳疑傳信皆足以增高觀感振起衰頹古蹟之關於人也顧不重歟况房山地屬幽燕不乏感慨悲歌之士山多名勝寧無耕釣隱逸之倫傳之金石者固宜廣為搜羅傳之口碑何忍任其煙沒

漢良鄉城

水經注聖水南流歷縣

即良鄉縣

西轉又南經良鄉故城西又云防水出縣

良鄉

西北大防山南東南經羊頭阜

今羊頭岡

下俗謂羊頭溪又東南至縣東入聖水良鄉舊

志引磁家務漫水以為池地理今釋云漢良鄉在今房山治東按水經在今大石河東良舊志引漫為池似在大石河沿岸準其方向當在瓜市田各莊東蘇村西北者然其址無存矣



漢陽鄉城 在城東南十八里豆店西蘆村梨園店二村東地在房山舊志漏載反入良志今增良鄉志陽鄉漢縣晉改良鄉齊初入薊縣後入涿郡地理今釋謂在固安西北豈陽鄉有二歟又俗傳城爲竇建德所築考唐書高祖武德元年爲夏王竇建德五鳳元年戊寅長樂王定都樂壽今獻縣初夏王取深冀易定等州又有得玄圭以獻者建德曰此天之所以錫大禹也乃改國號曰夏此城或建於是時歟

文靖書院 寰宇通志在房山西南七十里之抱玉里元里人總管趙密宣德府教授

賈壤常從容城劉因游歸以其學教鄉人乃建書院立祠祀之因以見其學之所從來元賜額曰文靖書院國子祭酒高天爵爲記舊志云已圯毀無存北上洛人楊葆元謂在涑水赤土見高驥雲筆記饒樂府劉青綬謂在大石河之舊徐邨載在其所著房山景物畧書中李恩惠續修房志料謂修自雍正年間引畿輔通志爲據按上四說第一說無可議第二說謂在涑水寰宇志云在抱玉里抱玉里房山地也且爲里人趙賈二公所建豈有在涑水之理涑水縣志並未登錄豈有此事而不記者云在涑水者

非是第三說云在徐邨以其塔爲文筆峯作解夫文靖理學家也塔浮圖氏喪葬墓表也以理學家而建塔於書院中必無之事也第四說云引通志修自雍正年間寰宇志已云圯毀無存矣卽令雍正年修之安有百餘年人人皆不知其遺趾者蓋通志修自雍正年李氏誤引耳總之地已無存不能考矣

雲峯書院 畿輔通志房山舊有義學在學宮旁雍正四年建後乾隆十八年知縣邱錦建爲雲峯書院嘉慶十一年縣令黎德符邑人徐夢陳添建學舍備學租道光十五年縣令楊鉅源邑人李心蓮建講堂三間設山長以主講席設齋長以主諸務諸生肄業其間院外生亦可附課月兩試前列者獎賞以資膏火光緒十年添購經史光緒二十一年購新書改革之機伏矣光緒二十九年停科舉立學堂遂以其地改爲高等小學堂後更堂爲校而學風一變矣按玉海唐明皇始置麗正書院石鼓始置於唐元和白鹿始於南唐升元應天始宋眞宗祥符二年嶽麓始於開寶中其他若嵩陽茅山淮海湘西皆起自名儒不勝枚舉元時路府州並置書院各設山長一

人明則東林首善清則有金臺蓮池皆儒者研求學術之區蒼萃人文之地俯仰之間已成陳迹

社學 舊志在北大街知縣陳庭訓重修不知創自何年清初駐防兵於此而學遂廢兵撤後官紳無繼辦者今遺跡莫考矣

懷玉鄉

元置四鄉懷玉其一今七八二區地也明頓銳隱此

見涿州志

名其山曰懷玉山並名其

亭自號爲懷玉山人張潮懷玉山亭記曰兩崖對峙如闕一徑通出入中廣十數里諸峯環立如玉筍然入崖北折而西萬木蒼鬱出林杪構亭巘嶢南負山北禪宇西南山皆嵌空攬拏翔舞蹲踞各極狀態簷溜瀉石壁積苔如斑下瀦流泉一泓泉側近亭按其地似在石窩以北雲居寺左近然未能確指矣

五侯村 距縣西南二十五里舊志謂後漢光武封王興五子爲列侯居此故名水經注云易水出西山寬中谷東經五大夫城南昔王譚不同王莽之亂子興生五子並

避時亂隱居此山故其舊居世以爲五大夫城即此岳讚云五王在中龐葛連續者也易水東與子莊溪合水北出子莊關南流經五公城西逕其城南五公謂王興之五子也光武卽位封爲五侯元才封北平侯益才封安喜侯顯才蒲陰侯仲才新市侯季才唐侯所謂中山五王俗又以五公名居矣日下舊聞考引之以證房山之五侯顧炎武謂王譚並不封北平誤一王譚卒後歷王商王根安得不同莽政謬二仁已橫死五才何得獨脫謬三漢人少二名者王氏五世可見謬四封國何以不出中山之境謬五安喜蒲陰章帝所改謬六班范荀袁皆不及獨見太平御覽之河北記及此注謬七亭林斥以七謬而五侯之說破矣法苑珠林云五侯寺在范陽後魏有僧誦法華爲常業初死權斂隄下後改葬骸骨並枯惟舌不壞按此則村因寺而得名矣或謂光武旣無封王興子爲五侯事漢成帝河平二年夏同日封王氏諸舅譚商立根逢等五人爲列侯或即此耳然難以徵信

雙孝村 原名小營村人有高國棟者以母老而奉養乏人通顧冊宋啓元妻王氏因

家貧賣身國棟出資購之王氏臨行泣曰去則去耳獨姑老染病在床我去誰爲侍者因割腕肉以進曰媳無以報只此一片肉耳遂昏倒于地國棟見而憐之不忍奪其志舍而去之並將其所出之資使人語之曰助爾奉姑毋還也王感高之義姑旋卒王遂歸高以養高母後高母病醫藥無效王與高共割肉以進母病立愈知縣羅在公聞其孝詳請扁額並捐俸立坊以旌之因改小營爲雙孝村（按割肉奉母本不足取然鄉愚出此亦誠難矣安得以愚目之彼鴟鴞其性者豈不愧哉

瓦井村 在城西南十八里有村曰瓦井因村有古井彷彿以甕去其底自井下蟬聯而上接至井口村因此得名其水味甘涼雖亢旱不竭至今爲一村所寶元至元年魏必復撰重修天開寺碑文有瓦井閣黎之名知其由來遠矣

皇后台村 天開村南龍王廟碑載此爲隋妃避暑之台考隋書煬帝紀大業七年四月庚午帝至涿郡臨朔宮八年正月辛巳大軍集于涿郡六月幸遼東七月癸卯班師九月庚辰至東都斯時蕭皇后隨駕年餘冥報記又載幽州沙門知苑精練有學

識隋大業中于幽州西山穿巖爲石室摩四壁以寫經又取方石別更摩寫藏諸室內每一室滿以石塞門鎔鉄固之時煬帝幸涿郡內室侍郎蕭瑀皇后弟也篤信佛法以其事白后后施絹千匹瑀施絹五百匹朝野聞之爭共施捨故苑得以成功后之避暑或在此時

金章宗歇涼台

舊治云城西

當云西北

二十里

當云二十五里

茶樓頂上遺趾猶存劉琴齋景物畧

云久就荒蕪苔階薜礎橫臥榛莽中其址頗宏廠按靈峯寺在大房山陽長溝峪之北俗名上寺其碑皆隸書爲金蘇敬安撰今撮其畧曰房山南下三里泉石最幽奇處舊有梵宮肇自隋唐光啓（唐僖宗年號）二年重建遼中有章上人者聲聞朝省奏請名額取靈山鷲峯之義勅賜令名時重熙十五年也後華嚴大師詰公官賜紫袍以旌妙行至皇朝開奠房山爲陵寢寺屬治內迨明昌改元復建崇聖宮白雲亭于峯頂潮海玉山桑乾在目莊產別業凡屬四區寺南之西乃長溝峪與長菴水鄰東臨鹿門峪栗林園圃尙存正南顧册里實莊土之墟落良鄉縣北樂里下寺中庭

邇來華嚴法師信公能踵師武以本寺磴道西折棧躡飛梁躋于萬仞之上立碑所難加以澗谷幽闇深不見底古記以此淪沒無存今方伐石他山再揚厥美于昭無上託敬菴紀事者書石明昌五年重陽日按明昌即章宗年號想寺與台當同一地也又日下舊聞考云臺圯尙存四石柱

釣魚台 在縣西北十數里石梯坡西青龍背東背山面溪境頗幽勝明馮賢隱退垂釣于此山上有廟

龍門台 按寰宇通志去縣二百里上曰玉河台四面皆山其下澗深莫測南有龍王祠養恬筆記曰龍門台在三角山之西塘上之東畿輔通志縣志並入古蹟門其迄東一帶若四馬台

在龍門台北
云在東非

莊戶台王家台石板台等處並不見記載蓋湮廢久矣

台爲守望而設當時亦置軍戍深山荒嶠人迹稀疏太平日久遂復榛狂之舊按今土人常云一路十八台凡山灣處水必環其三面若土台然土人皆謂之台古人未必皆駐軍也

歎漢台 城東北十二里南確村南有山名曰霧山其山恒多雲霧故名俗傳仙人著棋于此有樵夫旁觀久之爛其斧柯今有石刻棋盤樵牧者往往無心遇之有意尋之不能得也按此與廣輿記衢州爛山王質觀棋事相同要之皆神話時代人語不足信也

磐寧宮 按金史地理志奉先縣西有磐寧宮

瑞雲宮 按涿州志瑞雲宮在金太祖陵側遺址僅存按金史海陵紀眞元三年三月乙卯命以大房山雲峯寺爲山陵建行宮其麓十月丁酉行宮成命名磐寧宮而瑞雲宮究不知建自何年或磐寧宮更名瑞雲宮亦未可知

清行宮 縣西南四十里半壁店村北背山面河形勢幽勝清乾隆元年奉安世宗憲皇帝于泰陵易州泰寧山太平峪每謁陵道由房山十三年遂于半壁店建行宮焉舊設千總一外委一旂兵二十綠營設經制一外委一漢兵十名以爲守衛之用今清社已屋遺族亦等於編氓矣故宮半圯禾黍離離恐不數年將爲瑞雲磐寧之繼

人世升沈曷勝浩嘆（民國十四年清室伐賣宮樹所有宮殿由縣議立公學

大樓溝大樓 縣西北二十里羊耳峪西塔兒溝樓在溝口內高六七仞疊石而成四面有門中穿一井明末邑人避亂溝中以板蓋井以便出入別無岐路撒去木版外人不能進有一夫當關之勢今名大樓溝蓋由于此

張坊鎮樓 縣西南七十里張坊街北樓三層門南向高可數丈下層空其中甚暗下有隧道向西北約二里通任家墳俗傳任爲閣老由下層樓上中層半途轉折處有井一相傳其井中設有刀山劍樹顛而入無生理中塑碧霞元君像上層可遠眺上中兩層亦通隧道

三角山 三角山在王家台西北距縣可百餘里三峯鼎立惟東南一峯可上山高頂平上有石城遺趾東南坡有井一眼南高寬北低窄約可百畝北界秋林堡西界四馬台舊謂西界鷄兒台誤俗傳劉武周在此爲寇當是劉仁恭之誤或言馮銓避暑于此自此東行至霞嶺南入安子溝至關上爲出山之隘口

關上 在張坊西北二十里南一里有舊城墻一道北十五里即佛嶺嶺西北八里至石門溝再西北十里卽口子澗霞嶺地關上控南北咽喉東至黑牛水約三里由黑牛水東南經東城寺可至鼇頭寨

鼇頭寨 又名般洲山在東城寺東南四圍斗絕而頂則坦平明嘉靖繕城記云般洲山實南北相控之咽喉羣盜未平時盤結其中不時竊發按其上有井有碑碑載明崇禎間北鄭村廩生張汝器因闖賊之亂聯絡涿房兩縣五十餘村築寨于此

養恬齋筆記云三角城在北關上城在中般洲山寨在南皆大山前後形勝之地而畿輔通志並闕邑志于關上城示闕三角僅載山名般洲稍詳亦無徵實訪之邑人或云劉武周屯兵處或言劉盆子以予考之乃劉仁恭山後八軍也新五代史雜傳載李承約薊州人少事劉仁恭爲山後八軍巡檢將騎兵二千仁恭爲其子守光所囚承約以騎兵奔晉盧文進范陽人爲劉守光騎將降唐莊宗以屬其弟存矩存矩爲新州團練使統山後八軍莊宗與劉郾相拒于萃募山後勁兵數千課民出馬以

十牛易一馬山後之民皆怨兵又不樂南行至祁溝關謀爲亂文進因兵亂復反唐殺存矩此山後八軍故事也僭僞亦有建置三角等城寨應即在八軍數中因正史不詳斯無徵耳劉武周父匡自景城徙馬邑武周爲馬邑人考唐書終身未嘗至房其將宋金剛爲賊時嘗保西山後歸武周亦終不復返且未知西山究在何地盆子事更遠在黃河以南俗說訛傳因同屬劉姓故誤

黑龍關 縣西北五十里左右皆山下臨絕澗山上有關城遺趾山下即青龍潭俗名白城灣深不可測澗東一路僅通駝馬北通齋堂出長城舊駐軍防爲沿河口所轄房山置之于管轄之外藏奸聚賭不但爲政治之梗亦非所以固疆宇也

桃葉渡口 在縣西二十五里黃山店村南山勢同黑龍關峰側煙墩遺址尙存西北越蔡樹鞍經南北窰至紅煤廠卽與黑龍關往齋堂之路合

乾河口 在縣西南八十里山高水深易于控扼從南流河越關上城卽可以通山後霞嶺等處從穆家口子經十度越大龍門卽可通蔚州桃花而至外邊

竊按黑龍關與三角山皆在大房西北同在聖水溝壑之中關上城與桃葉口在大房山東西爲入聖水溝壑所必經之要路山後八軍果如養恬齋筆記言也竊謂黑龍關桃葉口尤要于般洲山之鼇頭塞蓋鼇頭塞與山後交通不便呼應不靈爲一時草竊則有餘以日久相持則不足高公以鼇頭塞爲形勝之地實八軍之扼要而獨未及于桃葉黑龍余竊感焉若乾河口則另一區域關于涿涑者甚巨關于房邑者甚輕則又研究形勢者所當知也

大安山 方輿紀要云大安山在縣北

實是西北

山高險薛居正曰大安幽州西名山也名

勝志云大安山龍泉河出焉大清一統志大安館在房山縣西北大安山劉仁恭師方士王若訥于此唐書劉仁恭倚燕強且遠無所憚意自滿從方士王若訥學長生築館于大安山掠子女以充之又招浮屠與講法以堽土爲錢歛真錢穴山藏之殺匠滅口禁南方茶自採山爲茶號山曰大恩以邀利

原名大安
改名大恩

五代史仁恭驕于富

貴築宮于大安山選燕美女充其中又與道士鍊丹藥冀可不死令燕人用堽土爲

錢悉歛銅錢穴山藏之已而殺其工以滅口後人皆莫知其處通鑑仁恭慮出州城不固築館于大安山曰此山四面懸絕可以少制衆其棟宇壯麗擬于王者（按今原山是其地而基址無存）又五代史仁恭有愛妾其子守光烝之仁恭怒笞守光逐之梁開平元年遣李思安攻仁恭仁恭在大安山守光自外將兵入走思安乃自稱盧龍節度使遣李小喜元行欽以兵攻大安山執仁恭而幽之又王思同傳思同母仁恭女也劉守光攻仁恭于大安山思同以部下歸唐遼史統和十四年三月鑿大安山取劉守光當作仁恭所藏錢散諸五計司令今大安山村北有原山相傳爲劉仁恭修宮處西有西陵台傳爲仁恭墓其村東南將近紅煤廠路東山環處有平地約數頃俗名操場傳爲仁恭練兵處大安山南有長操村俗亦謂仁恭練兵處大安山東南有佛子莊村外有山甚高名煙筒尖俗傳是仁恭設立烟墩黑龍關有舊城墻一段在白城灣上想亦是仁恭所築惟西陵台之仁恭墓似難徵信考五代史後唐莊宗本紀天祐十年正月十五日壬子遣大將李存霸拘送仁恭于代州刺其心血

奠告于武皇陵然後斬之劉守光傳亦言守光被誅于雁門山下是父子皆死于晋省誰收其骨歸葬者且大安非故里又何必歸葬于大安乎如欲曲爲之解或是仁恭妻妾私人死于大安山被攻之日有人權葬于此土人不知誤以爲仁恭之墓亦未可知

大房山 唐書地理志良鄉西有大防山太平寰宇記大房山在良鄉西北三十五里山下有石穴(孔水洞)又有小防山至大防山相近隋圖經注防山上有仙人玉堂水經注大防嶺山下有石空東北洞開房皆作防遼史涿州永泰軍有大房山元至正二十七年更名奉先爲房山縣大清一統志房山下有聖水泉防改爲房矣

五代史唐莊宗天祐十四年契丹周德威于幽州莊宗遣李嗣源救之同李存審會兵七萬銜枚束甲八月甲午自易州北循澗而行嗣源率三千騎爲先鋒庚子循大房嶺而東契丹萬騎俱至嗣源敗之通鑑梁貞明三年秋遼圍幽州城中危困李嗣源閻寶李存審步兵七萬自易州北行踰大方嶺循澗而東嗣源與養子從珂將三

千騎爲前鋒與遼遇遼兵驚却晉兵翼而隨之遼兵行山上晉兵行澗下每至谷口遼兵輒要之嗣源父子力戰乃得進至山口遼以萬騎遮其前嗣源躍馬奮撻三入其陣斬遼酋兵一人後軍齊進遼兵卸晉兵始得出至幽州春明夢餘錄宋垂拱中吏部尙書宋琪上疏請復幽燕其略曰循山之北涑水以西挾山而行援糧而進涉涑水並大房抵桑乾河出安禮寨此是周德威收燕之路然終宋之世未嘗復也

摘星陀 上方山內峯之最高者名摘星陀記纂淵海摘星嶺在府西高入雲霄光啓時遼人侵幽州劉仁恭窮師踰摘星嶺追之又名齋星陀阮旻錫上方山記峯最尊者爲齋星陀華嚴于此齋星曰摘星訛耳僧巢其顛下如飛鳥然

六聘山 一統志六聘山在房山西三十里名勝志大房山南近霍原隱處水經注徐廣云原隱居廣陽山教授數千人晉書霍原休明燕國廣陽人元康末與王褒等俱以賢良徵累下州郡以禮發遣皆不到後王浚稱制謀僭使人問之原不答浚心銜之時有謠曰天子在何許近在豆田中浚以豆爲霍收原斬之懸其首諸生悲哭夜

竊尸共埋殯之王隱晉書霍原傳原少有志力叔父作法當死原入獄代之楚毒倍加終免叔罪年十八觀太學行禮因留學焉貴遊子弟聞而重之初原以賢良徵累下州郡以禮發遣皆不到冊府元龜許猛爲幽州刺史素服原名將詣之主簿當車諫不可出界猛嘆恨而止原山居積年門徒百數燕王日致羊酒魏書盧道將爲燕郡太守下車表霍原之墓朱彝尊曰六聘山見于遼史見於寰宇通志及明一統志近士子多守廣輿記爲兔園冊削去康熙癸丑登上方山見兜率寺十方院有金大安中懺悔上人墳塔後十四年復游上方於孤山口西見麥中有元延祐間所樹碑稱此地爲六聘山下中院又于甘池村北數里許天開寺猶存蓋寺當日營業甚廣天開乃其下院孤山口則下中院兜率寺爲上方而名之曰六聘山天開寺六聘之義地志不詳疑卽是原教授之處舍原之外無人足以當之矣余按今與天開村人談及六聘山據言六聘山乃是六山合稱六聘其名別見志山門

鳳凰山碑亭

縣西北八里沙峪村西之沙河北岸半山間有亭爲石築成亭內有碑

爲雍正九年立其文云雍正八年正月二十日房山西山之上朝日方升有鳳翩然來儀足數尺尾長丈餘五色繽紛衆鳥拱衛其時官吏匠役及居民等聚觀者千餘人大清一統志雍正八年正月二十日鳳凰集房山縣之溝山峯皇朝文獻通考雍正八年正月鳳凰見于房山縣總督唐執玉奏報奉御旨上年據散秩大臣尙崇廡奏稱天台山民李萬良等呈報十月十一日山中有神鳥高五六尺毛羽如錦五色俱備所立處羣鳥環繞北向飛鳴等語朕以邊地居民所見事屬渺茫所奏發還未嘗宣示廷臣昨據總理石道事務散秩大臣常明侍郎宗室普太奏稱石工監督司官田周呈報正月二十日房山縣石梯溝山中見瑞鳳集於山頂五色俱備文彩煥然工匠樵牧居民約千餘人莫不共見又據總兵官管承澤順天府尹孫嘉淦等所奏亦皆相同朕亦俱未宣示廷臣今據總督唐執玉具奏古稱鳳爲王者嘉祥朕撫躬自問功德涼薄尙不足致鳳儀之瑞此事猶疑未信也余按昔游此地人言昔有石工大臣侵蝕國帑數十萬金不能抵補因假鳳儀爲名監修此亭始得彌縫入奏

余想此事題目甚大又甚巧而又能運動孫嘉淦等連銜入奏其神通之大誠不可思議爲虛爲實不敢臆度附載于末疑信任之後人

黃龍山之大石嶋 黃龍山縣西南六十里石窩鎮西山之總名也其山產石爲歷代

宮廷建築之用冬官紀事嘉靖卅六年修復殿工命侍郎張舜臣主事李鍵於大石

窩採石房山舊志大石窩在縣西南四十里

今皆云六十里

黃龍山下前產青白石後產白玉

石小者數丈大者數十丈宮殿建築多採於此石窩下有塘突出一泉其水甚清流灌稻田米色如玉按今石窩是一鎮其西北二面石塘甚多所採之石非一石塘所出也其塘最古而大者莫若今之白玉塘上之所謂大石窩或卽指此然流灌稻田非藉白玉塘水乃別有數泉在高莊村南萬泉菴山之下今之所謂玉塘米者乃假借之名詞耳高庄四坐菴上下營厓上四村稻田約數頃皆萬泉所澆總稱玉塘米石經山之石經 在縣西南四十餘里初名白帶山又名愁題山因藏石經故名石經山山上有石堂東向方廣五丈曰石經堂四壁皆嵌以石刻佛經中四石柱皆刻佛

像堂前石扉八可以啓閉外有露台三面以石爲欄堂左石洞二堂右石洞三又有二洞在堂之下石經版分貯其中每洞以石爲窗櫺石版近窗者可窺見北齊時僧慧思慮藏教有毀滅時發願刻石封藏岩壑坐下靜琬承師囑自隋大業迄唐貞觀成大涅槃經十二部其後歷朝皆有增刻如開元十八年金仙公主爲奏上賞經四千餘卷爲石經本其徒道公儀公暹公法公相繼造經至遼聖宗興宗道宗各賜錢續造通前共上石一百八十七帙亦貯七石室內後有僧通理造碑四千八十片經四十四帙其徒善銳于寺西南隅穿地爲穴道宗所造大碑一百八十片通理小碑四千八十片皆藏于穴穴上築台砌磚建塔一座刻文以標石經所在又按遼太平七年韓紹芳爲涿州牧詣寺召寺僧問以初迹僧皆不知乃取經碑以驗名數得正法經一部全涅槃經一部全大華經一部全大般若經五百二十卷劉濟造補八十卷遼三宗造其部亦全又有大寶積經一部全亦遼人造元至正元年僧慧月修整石室經本一次元仁宗賜經一藏爲紙本非石刻總上石經藏于洞者七藏于穴者

二

萬斯同石經考末有石刻佛經記一篇載太原縣西風峪風穴中有石柱一百二十六刻佛經又載太原傅山行平定山中誤墜巖谷見洞口石柱林立與風峪等亦載房山佛經刻之自隋又考後漢書熹平四年蔡邕以經籍去聖人遠文字多謬奏求正定六經文字靈帝許之邕乃自書爲碑刻石立于太學門外晉書衛恒傳言正始中立三字石經裴頠傳言秦修國學刻石寫經後魏書江式傳言建三字石經于漢碑西至武定四年由洛陽徙石經于鄴至河陽岸崩沒于水得至鄴者不盈大半後周大象元年復徙于洛時爲軍破毀其後得者破爲橋基又伐齊毀碑以砲石隋開皇六年移殘碑入長安欲補綴之尋隋亂營造司用爲柱礎唐貞觀初魏徵始收聚之十不存一至趙宋胡宗愈刻石經遺文字文紹弈跋云（旁搜博採合諸家所藏得蔡中郎石經四千二百七十字有奇以楷書釋之又得古文篆隸之體石經遺字八百一十九並刻于石漢字石經僅存此耳若今文石經唐鄭覃周墀刻于京兆僞

蜀母昭裔復刻于蜀而今亦無完璧嗚呼西竺佛經藏之名山而不朽吾儒六籍歷經續刻而不完其故何也蓋古洞深少人跡人跡少自易保全通都大邑便交通交通便易于毀破也

獅子崖 縣西三十餘里兩巒一脈南北相通北高南低北爲大獅作臥形南爲小獅作蹲形左右相顧眉目口鼻宛然逼肖盛夏草長蒙茸下垂彷彿皮毛情致尤韻舊有太師少師之目其下卽蟬蛾水韓村河之上源也

瀑水崖 縣東北四里丁家窪村西又曰瀑水崖又曰瀑水巖其水源委見志川門一嶺橫截河口兩高中凹如門檻然水流其上從高下瀉高幾三四丈激爲瀑布冬如練春如帛夏秋雨後如雪山排倒顛而復起起而復顛翻騰數疊風號雷吼聲聞數里巖有刻石凡四處皆汪退谷所書瀑水西曰瀑水巖其中曰留雲塢南有石台曰釣魚台沿流而下約百步南岸有巨石刻曰仙桃磯瀑布水下東轉注爲深潭三面石巖一灣潭水有懸石陡出刻臥龍潭三字瀑水之上又北去數十步岸南石壁刻

磨霞巖三字

鐵鎖崖 縣西南七十餘里張坊村西南房梁交界地也上爲龍灣山下即鐵鎖崖拒馬河流經其下斷崖千尺自踵至巔一線劈裂半崖間有鐵鎖下垂相傳禹曾治水于此經無明文不可考矣河至崖下淵停不動其深莫測涑水縣志龍灣山高峯卓立下爲鐵鎖崖崖下有龍潭俗呼鐵葉寨爲拒馬河分流處

北砦雙崖 自上方山山麓而西至北砦雙崖如門琳宮梵舍對峙左右老樹欹斜交陰澗谷寒葉盈尺人行𦉳𦉳有聲流泉三疊鳴空中山下注爲池土人戒勿濯手濯則龍怒（竹垞文類）北砦雙崖峭立澗流其中老樹千章瀑泉三疊注爲龍潭一禪宮一道院臨崖相望觀中有無名氏題詩云壁色壓潭黑林光漏日明傳聞老龍臥不敢濯吾纓不知何年人作也（粵室集）

羊頭崗 縣東北六里五代史唐莊宗天祐九年正月庚辰朔周德威等自飛狐東下丙戌會真定之師進營祁溝庚子次涿州四月戊申李嗣源攻瀛州拔之五月乙卯

周德威大破燕軍於羊頭崗擒其大將軍廷珪斬首五千餘級水經注防水出良鄉西北大防山南東南流經羊頭阜下俗謂之羊頭溪（按今羊頭崗即古羊頭阜見大清一統志）又高克恭墓亦在羊頭崗今已無考

聖崗 縣東北四十里北游紀方云聖崗在蘆溝橋西二十里有姚少師塔塔之前有明永樂御製碑文右爲長羅寺（按今呼爲長樂寺）明司禮太監王安墓在其後

賈島峪 縣西北十數里明一統志云在房山西內有石室世傳爲賈島所居（按房山城南門外有賈島故里碑碣今已無存餘見鄉賢陵墓二門）

羊耳峪大象石 縣西北十二里一名紅羊峪有大石高二丈餘其形似象故名象石石上有唐貞觀元年刻石其文云古石異樣其名曰象問我生時天地未判民國十三年村人白文珊趙普泉等恐其日久湮滅復題卓爾不羣四字刻于石以紀勝石前有廟即名象石菴

孤山口 按大清一統志孤山口在縣南五十里（按應云西南四十里）涿易二州分

路處（按涿當作燕路當作界涿易二州近在咫尺安得在此分路也天開寺碑曰天開燕易間一巨剎也其文足證涿爲燕之誤）宋雍熙三年李繼宣戰契丹于拒馬河上追至孤山口契丹引去

黑龍潭 縣西北五十里在黑龍關村北河之北岸邑人禱雨處也涿州志曰元至正中京師大旱遣留守都事薩里默色禱之大雨沾足明宣宗實錄曰宣德十年五月天久不雨房山民言縣北七十里有龍潭歷宋元明以來禱雨輒應上命遣官祭之按潭之北有龍王廟元至正十年建有碑記詳藝文玉壺清話范陽盧文進少從軍身長八尺姿貌偉異名振燕薊與莊宗屢戰獲勝一夕忽敗夜走馬墜澗中纔及水一躍而出明日視之乃郡之黑龍潭絕岸高險深不可測文進知有神助已氣復振按黑龍潭房山有兩在天開者亦曰黑龍潭見國門近遊錄但盧文進事究不知實在何地

孔水洞 縣北二十里在磁家務南又名萬佛堂亦邑人祈雨處隋圖經云防山上有

仙人玉堂大清一統志曰房山下有聖水泉西南伏龍穴一名城峪水經注云大防嶺山下有石穴東北洞開高廣四五丈入穴轉更崇深耆舊傳昔有沙門釋惠彌者好窮物隱嘗篝火尋之傍水入穴三里有餘穴爲二一穴殊小西北出不知趣詣一穴西南出入水逕五六日方還又不測深遠其水夏冷冬溫春秋有白魚出穴數日而返有捕食者美逾常味蓋亦丙穴佳魚之流類也唐胡詹記云孔水洞在大防山東北有人篝火探之行五六日莫究其源但見仙鼠晝飛頰鱗時現燕山叢錄曰房山東北懸崖間石竇如門中有積水人往往聞絲竹音有好事者乘篳乘炬而入惟見石燕飛翔頰鱗漫漶行五六日無所抵恐炬盡而出金太和中有桃花流出其瓣徑二寸俗呼爲孔水洞北遊紀方曰雲濛山直上皆石壁下有水湧出爲孔水洞俗名水簾洞舊有龍泉寺唐大厯中建今四壁刻劃佛像更名萬佛堂醜惡甚矣養恬齋筆記曰舊志言聞絲竹音浮桃花瓣等說紛紛裝點其水實溫泉乃未有言及者壬辰正月往遊見水出數丈外披潤草色猶青以爲異余按仙人玉堂石穴卽今孔

水洞聖水泉亦即此洞泉水其下至琉璃河古名聖水當卽因此

張良洞 舊志言縣西北七十里乃張子房辟穀之所洞中有獨橋十八灘稱爲玉室洞天北遊紀方言六山河自黑龍關來東南入琉璃河上有半壁山壁立千仞石罅古柏蒙茸然長不滿二尺其西山半一小竇曰避穀洞峭絕不可上北有背陰洞對山望其東有正覺洞日下舊聞謂六山河因黃山穀積山半壁山辟穀山張良洞正覺洞朝陽洞諸水所會故名寰宇通志黃山去縣三十里有玉室洞天日下舊聞又謂俗傳漢張良微時隱此亦名張良洞余按良韓人戰國時交通尙不如今日之便良隱此似太遠辟穀洞在半壁山半山間人不能上張良隱此可疑今東莊等六村猶名六山會六山河或卽因六山會而得名日下舊聞所言六山不相連絡恐非今日之六山也

上方山之華巖洞 上方山西南嶺華巖師初開山時卓錫于此中有石台高三尺許週迴可四合抱台上生成一池池之輪廓如馬齒之環匝池心生石一拳形如柿洞

頂生石蓮一巨朶匝小花甚夥巨蓮與石柿上下相準蓮心滴水正落柿上鏗然作琴瑟聲永久不涸

龍潭洞 交澗口村北半山間有一洞其口甚小非蛇行不能入十餘步外始豁然開朗洞左一穴旁有石紋一綫正赤色循綫而前有若石鑼石鼓石豕石羊石人馬等皆天然生就非人力也再前有水一泓頓阻前路其聲洶湧莫測淺深凡游者至此而返返時仍循紅線方可不然入岐路不得歸矣右有一穴中有一堂甚宏廠四壁皆刻佛經此洞之上猶有一洞因在此祈雨輒應疑有龍神故名龍潭洞

甘池村之將軍廟 縣西南三十餘里有東西南北四村名四甘池西村之北水從石壁出凡七竇羅注爲池上有河北將軍廟無碑記不知爲何神也村中言池中生魚只一目味美不能多得此說出自國門近遊錄水經注甘泉即此

天開寺 在天開村國門近遊錄曰甘池村東北數里即皇后台黑龍潭其北即六聘山山有天開寺有元碑三一爲至正二十八年魏必復撰并書一爲至正十二年石

經山雲居寺住持西源洪住撰并書一爲後至元三年香山永安寺住持福珪撰并書吉金眞石志載其文云國門之西兩舍之地山曰六聘中有伽藍曰天開燕易間巨剎也自後漢至遼金興廢難具載云天開者以寺前山谷天然開朗也準上所記則寺在村前矣

亂塔寺

在栗園村或即應公所建栗園寺也

見中院寺

明紀事本末靖難兵起建文祝髮

自神樂觀啓行由松陵入滇南西遊重慶東到天台轉入祥符僑居西粵兩入荆楚之鄉三幸史彬之第常賦詩曰牢落西南四十秋蕭蕭白髮已盈頭乾坤有恨家何在江漢無情水自流長樂宮中雲氣散朝元閣上雨聲收新蒲細柳年年綠野老吞聲哭未休後至貴州金竺長官司羅永菴題壁二首其一曰風塵一夕忽南侵天命潛移四海心鳳返丹山紅日遠龍歸蒼海碧雲深紫微有象星還拱玉漏無聲水自沈遙想禁城金夜月六宮猶望翠華臨其二曰閱罷楞嚴磬懶敲笑看黃屋寄團瓢南來瘴嶺千層迥北望天門萬里遙款段久忘飛鳳輦袈裟新換袞龍袍百官此日

知何處惟有羣鴉噪晚朝時正統五年出亡已三十九年矣帝思歸白其實御史以聞迎入西內宮人呼爲老佛以壽終葬西山不封不樹曝書亭記金川門之變實錄稱建文合宮自焚中使出其屍於火越七日以禮葬之遣官致祭輟朝三日野說則云松陽王景請以天子之禮葬文皇從之夫以天子之禮未有不爲之置守陵者而鐘山左右無之則備禮云者亦史人欺人耳目云爾况孝陵湯葬文皇責建文以庶人葬其祖又豈有以天子禮葬建文乎北京金山口景陵北相傳有天下太師之塔是建文墳尤無據葬尊嘗登房山有亂塔寺埋僧骨不可勝記繞田村落亦多僧塔或題司徒或題帝師國師遼金舊制然天下太師何足異乃誣爲建文墓既云不封不樹矣誰復立石爲表不足信也

錄之以備逸聞

中院村之中院寺 在城西南四十里魏必復天開中院碑陰記曰天開古名利在房山之麓規制始於漢歷晉隋迄五季盛於遼廢於金至元十年應公禪師始來住持次建栗園寺次建皇后台東西兩寺次建涿州設濟寺規模莊嚴擬於天開又建中

院寺於南沙河按據上游創水碾三以給衆僧日饑費至元二十七年世祖聞而嘉之特賜聖旨護持應公既示寂遣教弟子趙顯仁住持延祐三年二月特授聖旨宗主大天開上方中院設濟等寺前後綸命顯仁刻之琬琰延祐四年秋九月按今中院村元以前實寺名也

上方山之兜率寺 在城西南五十里歷孤山口中院至接待菴緣雲梯而上爲兜率禪林舊有百二十菴今按房山志僅存者七十有二焉而兜率爲羣菴之總匯其次爲崇甯菴延壽洞蘋果園大藏菴大悲菴本極菴文殊殿文殊閣觀音殿西朝陽菴般若菴靜業菴大成菴望海菴西域菴興隆菴瑞雲菴澹遠菴西方菴彌陀菴黃龍菴華嚴菴地藏菴松棚菴西向台永慈菴因果菴福壽菴胡公菴十方院福德菴積德菴勢至菴皈依菴塔院菴雲花菴送子菴華嚴洞東坡菴藥師殿瓣香菴東朝陽菴聖賢殿虹橋菴菩提菴普興菴新開菴普賢菴尊勝菴一斗泉文殊洞聖泉菴獅子崖廣慈菴九還洞雲居菴法華菴石佛殿堂子菴極樂崖金剛洞向陽菴雲梯菴

接待菴普濟寺白牛洞西方洞背陰洞觀音洞摘星陀毗盧菴總計七十二處阮旻錫游上方山記謂創自隋唐多華嚴師遺跡國門近游錄謂普濟寺接待菴上方兜率院皆明司禮監馮保所修築兜率寺殿後刻四十二章經亦題馮保書筆法遒勁不知何人捉刀也其地北枕鳳凰山（山後即寶金山）南壓太湖山西界聖水峪東接映峯峪（東麓即黃山店南溝）東西寬七八里南北長倍之爲京西名山之最他處以人力致者皆莫及也

十度村之龍山岩 縣百一十里十度西莊二村之間其山脈自大游龍由西北而東南漸行漸低長約二里寬不過十丈至拒馬河北岸陡然而止若長蛇自高山蜿蜒而來下飲于河之狀所最奇者三面懸岩壁立而石罅中山柏密生如籬自數里外望之羣山皆黃色而獨此山長數里高數丈濕翠欲滴濃處作墨色鬱鬱蒼蒼忽然入目如在圖畫中及登其頂平如砥中則高堆秀石如堵而行人循其兩旁松柏高數尺欄其外故下雖懸崖陡立日莫睹而心不畏也在古柏危崖排列整齊數百

步如一致又皆出自天然絕非人力所致南端欲盡處中堆之石堵忽沒平坦似弈棋之盤縱橫約在八九丈迤北有龍王廟三楹廟東牆外有碑二一爲巡檢李公去思碑一爲婁公德政碑由東面下山往北行數十步半崖間有佛字大約七八尺筆畫皆黃色體式雄偉端莊若顏魯公十丈外望之精神逼肖若近視之反模糊無意致矣土人言昔大雷雨山崩遂露此字蓋神力也余謂神之爲此有何用處豈欲學生工楷法而示一技之長耶知其言之不足信矣雖然即以人工所爲亦奇特而不得以等閒視之

徐村塔 舊志言縣東八里下半遺址猶存傳爲一邑之文筆峯邑人劉琴齋謂是文靖書院之塔按徐村在佟志已無此村知其湮沒久矣少時聞父老相傳言此村有大寺寺僧不法爲官家查抄村亦隨之俱亡其遺民遷徙于瓜市現今其村道旁石獅子尙存人呼其地爲獅子道道之北田中有土堆甚高人呼曰塔上佟志所謂下半猶存者已無有矣其旁有井一眼凡村人用水時卽挖不用卽填劉琴齋以爲是

文靖書院故址塔卽書院之塔夫塔非書院所宜有也且爲文靖書院之塔更不倫矣爲寺之遺址尙近理劉君之說或以一縣之文筆而附會之未可知也惟徐村之遷或因查抄之驚恐或因近河而避水俱難考矣

天開塔 縣西南二十五里想即天開寺之塔今失其半或云被風吹之口外荒渺不足信或云龍潭上之觀音洞通此塔下中生蜘蛛大如斗自塔上出入化爲童子與村童戲每有遇其害者後遭雷劫去塔之半云其說亦荒唐無理總之年久傾圮而已

北鄭塔 縣西南四十里北鄭村西高六丈四尺圍如之創于唐高宗麟德二年係鄭服因父母疾痊造以還願者

弘業寺塔 佟志在縣西三里高埠上按今塔已圮土人猶呼其地曰塔岡蓋弘業寺塔也

自來塔 佟志縣東北十里常業寺卽今長樂寺

照村塔 縣西南六十餘里照村東北有山名金粟山山頂有塔人名其村曰塔照村名其山曰塔山南臨拒馬北接黃龍此山挺然獨秀塔則高踞其顛遂爲一方之望聖米石塘 在縣西北八十餘里位大安山西南金雞台東南柳林水北介于三村之間爲房宛交管之地境險而僻非好奇選勝者莫能至也以故房山之人士鮮能道其詳志地理者亦未言其畧先有牛道者棲鶴于此性耐苦食粗衣敝不畏寒暑與木石居與鹿豕游雖猛如虎狼亦與之偶居無猜不加傷害人咸異之年八九十壯健如少年馳名遠近謂其有道術太監某出資爲之修理廟宇氣象爲之一新後去世相傳以爲仙去由此地人皆罕至莫能證明並由吾人迷信神仙牢不可破況牛道艱苦自修富貴人萬不能爲人心信仰理勢之自然也今日僧尼雜居行爲秘密村人嘖有煩言已非昔比矣其廟南向前殿三正殿三兩廂各三東北隅有石塘上有泉滴如簷溜下承以石池可供十數人之用後石塘之名以此

陵墓

清主中夏首葺金帝之陵羅宰房山先訪賈公之墓一杯之土何以繫人思慕乃爾哉蓋豐功偉烈既與日月而常新廣譽令聞自與山河而並壽是以尋遺跡於邱隴荒烟蔓草恐就消沈載芳躅於章編姓氏里居粗存梗概緬彼風詩猶切甘棠之慕追維先哲彌深喬木之悲柳下惠魯原故冢宜共禁牧擾侵樵羊叔子峴嶺豐碑勿徒作傷心落淚所當表揚先烈永示來茲

漢紀信墓 在東營村南距城二十餘里有石碣載之云是誑楚將軍紀信墓

按榮陽之戰信屍骨

已難保存况其時河北不寧其子孫尚能越千數百里負骨還鄉耶然既有碑記事當不虛或者其招魂葬歟

唐賈島墓 明一統志賈島墓在縣南一十里

十五里之誤

長安客話島卒於蜀歸葬房山帝

京景物畧弘治中御史盧某訪唐詩人賈島墓得斷碑於石樓村

今在一站村南豈當當日二站屬石樓耶

乃

闢地值碑大學士李東陽別樹一碑記焉清知縣羅在公爲之建祠於墓南

唐孫士林墓 在西南塔照村距城六十里士林字茂卿孫贖之後知兵有功於唐封

將軍佟志誤作孫贖墓羅在公有孫贖墓辨見藝文

公主墳 在城東十五里公主墳村東昔有塔今已圯桐陰清話京師西山無相寺有墳名菩薩墳亦曰公主墳遼聖宗第十女墓也小字菩薩未嫁卒北方海棠少此地獨生之其後海棠之盛逾於江國土人因以海棠諡主龔定龕詩云菩薩葬龍沙魂歸玉帝家餘春照天地私諡亦高華大脚鸞文勒明妝豹尾車南朝人未識拜殺斷腸花憑弔興亡扼揚穠麗詩固可傳按房山公主墳無碑可考是否遼修未能確指姑錄此以備考

金帝陵 舊志西北二十里三峯山下有金太祖世宗宣宗章宗四陵又云相傳舊有

六陵今不可考大清一統志金太祖陵在縣西北二十里雲峯山

即三峯山

下名曰睿陵

相近有太宗恭陵又云世宗陵在縣西北大房山東北

當指茶樓頂言

名曰興陵相近有章

宗道陵宣宗德陵乾隆十六年命卽金太祖太宗二陵修葺享殿繚垣其謁陵詩云

至今修葺賸二陵其餘荒草尋飄忽顧亭林金陵考由上京遷者十二光熙建輝安

定永泰獻喬睿恭由中都遷者二曰輿曰道被弑者一曰思追諡者二曰景曰裕降
爲庶人者雖遷兆域之外亦不出房山之境一統志言止四陵不知何據且宣宗南
遷葬在大梁列在房山尤誤

元高克恭墓 在羊頭岡今已無存查嗣宗查浦記聞尙書墓在羊岡西巖下姚庸詩
有云月射羊岡玉樹林山齋猶在白雲深

明姚廣孝墓 在長樂寺順水岸東有明碑按明宣宗實錄宣德元年五月立故少師
榮國公姚廣孝神道碑初廣孝卒太宗親製碑文已具未刻後其養子繼請上出永
樂文付之曰其卽刻碑以成皇祖嘉念功臣之意

明張克誠墓 城東南一里見人物

明陳效忠父墓 城東南二里有碑

明鄭民悅父墓 城東北三里有碑

明駙馬楊梅墓 楊駙馬莊北有萬曆年碑

明侍御楊秦墓 瓦窰頭村秦良鄉人見良鄉志

清莊親王陵 磁家務其陵有五一碩塞康熙十一年立二博果鐸雍正元年立三允祿乾隆三十年立四綿課道光十三年立

光緒二十七年立五載助

清敬謹親王陵 在東甘池村西

清順承郡王陵 在西甘池村南一在二龍岡

清溫良郡王陵 在羊耳峪普光寺西坡上

清克王陵 在北上萬西

清達摩僧王 在甘池村南

清至貝勒 在王佐村中

清繪貝勒 有上萬村西

清繼貝勒 在黃圓井村

清伊桑阿墓 在皇后台村南伊官大學士諡文端有碑

清那蘇圖墓 在北莊村東官總督有碑

清王國光墓 在公主墳村西公號燦斗官廣東將軍諡襄壯

清善祿墓 在北坊村官綏遠將軍有碑諡勤壯

清諾邁墓 在羊頭岡村西官都統諡襄恪有碑

清佟大夫墓 在樓子水卽佟有年父墓有年官房山知事有政聲事見宦績

清楊斗垣墓 在西甘池北斗垣官浙江布政使兼台海道事有碑康熙十八年立

清張汝弼墓 在城西北里許之喇叭溝汝弼雲南人官房山知縣因家焉其子張瑞

見人物

清馮銓母墓 在東流水順治十二年諭葬

壇廟寺觀

社稷壇 西郭迤北方各十丈中建壇一祀后土五穀春秋上戊知縣主祭薦以牲醴庶品三獻如儀按左傳蔡墨曰共工氏有子曰勾龍爲后土后土乃社稷田正也漢平帝置官社以配禹稷以配棄後世恒爲二壇明洪武元年制定設於城西北左稷右社十年合爲一壇罷配享以春秋仲月上戊日祭清仍之

風雲雷雨山川壇 南郊東側儀制同社稷壇地周數畝壇戶承種以供掃除按月令註祀風師於國城東北立春後丑日祀兩師於國城西南立夏後甲日唐天定五年詔以雷師同祀兩壇共牢明洪武二年增祀雲師於風師之次六年又合山川共爲一壇八年以城隍合祭一壇春秋仲月上戊日祭清仍之

先農壇 國語農正陳藉禮註云祭其神爲農祈也此殆後世祭先農之權輿歟漢唐以來皆藉田日祀之元命有司攝事明初復舉其祭嘉靖中罷清雍正四年命各地祀先農五年定耕藉儀制各擇東郊官地立爲藉田如無官地買地四畝九分爲藉

田即於藉後建先農壇每逢耕藉日祭畢行耕藉禮

厲壇 北郊迤西祀本縣無祀鬼神每歲清明中元十月朔日預請本縣城隍以主之宰官率衆祭於日暮按鬼有所歸即不爲厲左氏之言即祭厲之義儀禮疾病禱於厲明洪武初定制縣祭邑厲設位北郊清仍之

城隍廟 城西北隅按唐李陽冰縉雲城隍記惟吳越有之然考之史高齊慕容儁梁武王皆祀城隍李德裕建城隍於成都張說有祭荊州杜牧有祭黃州李商隱有祭桂州各城隍廟文不獨吳越然也而蕪湖城隍廟則建於吳赤烏二年蓋其由來也遠矣明洪武二年禮官議附祭於嶽瀆諸壇加封號三年去封號二十一年詔建廟高廣視官署大學士李賢曰社稷所以養民城隍所以衛民此祭之之義也清制每春秋與風雲雷雨同壇清明中元十月朔望並主厲壇

馬神廟 在縣治西北按周官馬神之祭有四春祭馬祖天駟星也夏祭先牧始養馬者秋祭馬社始乘馬者冬祭馬步乃神之害馬者隋用周制祭以四仲唐宋因之明

定春秋二仲清仍之

三官廟 縣西二里留臺尖上祀天官地官水官

東嶽廟 縣東二里每歲迎春於此俗呼爲迎春廟

關帝廟 縣西關北關皆有之宋初封義勇武安王明去封號清加神武靈佑仁勇威

顯關聖大帝旋追封三代公爵

關廟甚多
僅記其要

龍王廟 各鄉多有之惟黑龍潭之廟爲最著按龍王之祀古不經見祀典所載各因其地如南海曰昭明北海曰崇禮運河曰延休顯應錫封不一爵號攸殊惟旱澇關於民食禱雨者重焉由是潢汙之細塘澤之微皆有龍王之祀矣

虞舜廟 在高家莊東已圯其碑尙存

真武廟 在北郭按北方七宿曰元武宋真宗時避諱改爲真武後人附會稱真君靖康初遂加封佑聖助順靈應真君若圖志言修煉飛昇或傳淨樂太子愈滋妖妄矣藥王廟 城東南隅石窩辛莊西安子口亦有之

閣王廟 有二一在岳各莊一在石門

府君廟 縣東北侯家峪

二郎廟 有三一在馬各莊一在高家莊一在羊頭岡名清源廟按世傳周楊戩封清源妙

道真君搜神記灌江太守趙二郎慕楊二郎之為人衣冠器械盡倣之江有赤蛟為

民害乃入江斬蛟江水盡赤奉為江神封護國大將軍此外論證尚多皆難徵實

火神廟 在東營村

竈君廟 在南門外

玉皇廟 在吉陽村後石門有玉皇閣

三義廟 在韓繼村張坊亦有之

娘娘廟 在天開村

忠義祠 在城東南隅

節孝祠 在城西北隅

美報祠 在南尙樂村

以上壇廟祠皆出自崇德報功之意純爲吾國二帝三王之遺俗絕非二氏設爲天堂地獄作求福免禍計也

福勝寺 在城東北隅今警察所

宏業寺 在大宏寺村北

長春寺 在歇息岡村中

白水寺 在歇息岡西北石殿僅存白水異漿八景之一

廣教寺 在車廠北金陵南已圯

十字寺 在車廠村西北

連泉寺 在連泉頂峯側已圯

普光寺 在羊耳峪後溝已圯

靈峯寺 在長溝峪北嶺已圯

永壽寺

在周口店西北俗呼十畝平

雲峯寺

在雲峯寺村北有古松兩株

香光寺

在韓繼村中舊爲姚廣孝別墅

木岩寺

在周口店西已圯賈島有過木岩寺詩

超化寺

在樓子水西北即磚工院

洪心寺

在韓繼村

龍興寺

在天開村

華嚴寺

在黃山店西峪兒太湖亦有之

淨業寺

在黃山店西寶金山

金山寺

在黃院村北金山香水八景之一

寶嚴寺

在瓦井村中已圯

千佛寺

在北鄭村西北已圯

白雲寺 在般洲山上已圯

龍溪寺 在黑牛水

歡峪寺 在歡峪山已圯

崇福寺 在北鄭村西有唐塔

東城寺 在小西天東已圯

雲居寺 在石經山下俗曰西域寺爲八景之一

中山寺 在南白帶村中

兜率寺 在中院村西北有雲水洞爲八景之一又曰上方山寺

天華寺 在洛平村

亂塔寺 在栗園村

圓通寺 在紅蠟嶮主峯下一在穀積山下

極樂寺 在紅蠟中嶮

靈鷲寺 在穀積山下圓通寺南

常業寺 在東西二石府間今名常樂寺

興聖寺 在上萬村

林禪寺 在張坊鎮

並興寺 在趙各莊

興隆寺 在次樂村

雲蓋寺 在次樂村

朝陽寺 在它頭村

清涼寺 在蘆村

萬佛寺 在吉陽村

觀音寺 在北坊村

龍泉寺 在吉陽村一在孔水洞

大覺寺 在于莊村西已圯塔尙存

廣慈寺 在南關東側

大興寺 在潘家莊

青龍寺 在南章村

禪房寺 在北尙樂

興禪寺 在南尙樂

衍慶菴 在夏村

觀音菴 在白家莊

彌陀菴 在蘇村

萬泉菴 在高莊

以上佛寺

元真觀 在缸窩村

通真觀 在瓦井村

混元觀 在羊耳峪一在周口店

靈陽觀 在墳山村已圯

三聖觀 在莊戶台

保安觀 在高家莊

隆陽宮 在石窩鎮

王禪洞 在半壁店

背陰洞 在磁家務

金石考

觀無量壽佛經碑

隋刻正書十石

大方廣法華經碑

隋刻正書十石

金剛般若經密多心經碑

隋刻正書四石

八齋戒經並懺悔文碑

隋刻正書二石

佛說法藏經殘碑

隋刻正書一石

妙法蓮華經碑

隋刻正書七十六石

兜率陀天經碑

隋刻正書三石

賢劫千佛名經碑

隋刻正書五石

五十三佛經名碑

隋刻正書一石

天王觀世音經碑

隋刻正書二石

溫室沐浴經碑

隋刻正書二石

在石經洞
在石經洞

教戒經碑

隋刻正書三石

在石經洞

小西天舍利函記

隋刻

在石經洞

石經洞維摩經碑

三十石

石柱佛像題字

隋刻正書四柱

在雷音洞

楊君讓墓碑

隋刻

在豆店西

靜婉碑記

隋刻(今未見不知何書)在石經洞

王璪石浮圖銘

唐刻行書

在雲居寺

田義起石浮圖頌

唐刻行書

在雲居寺

山頂浮圖頌

唐刻

在雲居寺

劉元望石浮圖銘

唐刻正書

在雲居寺

李文安石浮圖銘

唐刻行書

在雲居寺塔上

王大悅石浮圖銘

唐刻正書

在雲居寺塔上

金仙公主請譯經施田記

唐刻

在雲居寺

王晉石經山中臺造浮圖記

唐刻正書

歸德郡太守兼諸軍事李時德政

唐刻正書

吉逾軒轅偉等詩刻

唐刻行書

在雷音洞

涿鹿山石經堂記

唐刻正書

在雷音洞井亭

感石浮圖記

唐刻正書

方迪劉可大題名

唐刻正書

在石經洞

范惟清題名

唐刻正書

在石經洞

刻佛本行集經並題記

唐刻正書

雲居寺主真性神道碑

唐刻正書

姚可矩題名

唐刻正書

楊元宏造般若波羅密經

唐刻正書

涿鹿山雲居寺新鐘記

唐刻正書

在雲寺左菜園

處士王君造浮圖經

唐刻正書

劉洛通刻經記

唐刻正書

在孔雀洞

陳令望心經

唐刻正書

在雷音洞

安祿山題名

唐刻正書

感怨文

唐刻正書

正法念經碑

唐刻正書二百十石

在東峯石室

大涅槃經碑

唐刻正書百二十石

東峯石室

大華嚴經碑

唐刻正書二百四十石

東峯石室

大般若經碑

唐刻正書千五百六十石

東峯石室

石經堂洹水流樹經碑

唐刻正書

大洞右第一洞

石經堂陀羅尼集等經碑

唐刻正書

右第二洞

今生歡喜名無垢等經碑

唐刻正書

左第一洞

金剛般若等經碑

唐刻正書

左第二洞

菩薩瓔珞等經碑

唐刻正書

石井左一洞

文殊師利普超三昧等經碑

唐刻正書

伽藍殿右一洞

摩訶般若等經碑

唐刻正書

石井左二洞

觀世音大悲心陀羅尼經碑

唐刻正書

殿右二洞

金剛般若經碑

唐書正書

大洞左側

金剛般若經碑

唐刻正書

大洞伽藍殿旁

房山縣湯記

唐刻已佚

大房山投龍壁記

唐刻已佚

在孔水洞

雲居上寺詩刻

在雷音洞

孫士林墓誌

唐刻正書

在塔照村

龐德相造金剛經碑

王教再脩雲居寺記

重修雲居寺一千邑會碑

續刻成四四大陪經記

賈得妻史氏等題名

大悲心陀羅尼經碑

城東井亭院圖寂道場舍利記

李志效造陀羅尼石經幢

尊勝陀羅尼幢

趙公議爲亡妻考造尊勝經幢

供塔燈邑碑

續蜜藏石經記幢

遼刻正書

遼刻

遼刻正書

遼刻正書

遼刻正書

遼刻正書

遼刻正書

遼刻正書

遼刻正書

遼刻正書

遼刻正書

應歷重修雲居碑陰

在小西天

天寶心經碑側

在瓦井

在雲居寺

在雲居寺

宋賓王詩殘石

遼刻正書

在雲居寺

大般若經碑

遼刻正書二百四十石

東峯石室

大寶積經碑

遼刻正書二百六十石

在東峯石室

賜刻楞嚴經碑

遼刻正書

東峯石室

菩薩地特經碑

遼刻正書

東峯石室

賜刻善戒經碑

遼刻正書

在雲居寺

賜刻淨業障經碑

遼刻正書

在雲居寺

優婆塞戒經碑

遼刻正書

在雲居寺

賜刻梵網藏經碑

遼刻正書

在雲居寺

瓔珞業經碑

遼刻正書

在雲居寺

賜刻佛藏經碑

遼刻正書

在雲居寺

菩薩善戒經碑本

遼刻正書

在雲居寺

賜刻內戒經碑

遼刻正書

在雲居寺

賜刻五戒經碑

遼刻正書

在雲居寺

賜刻威儀經碑

遼刻正書

在雲居寺

賜刻菩薩藏經碑

遼刻正書

在雲居寺

賜刻三聚懺悔經碑

遼刻正書

在雲居寺

賜刻五法懺悔經碑

遼刻正書以上百八

碑十

在雲居寺皆道宗賜錢

造所

十住斷結經碑

遼刻正書五石

東峯石室

花手經碑

遼刻正書十五石

東峯石室

佛名經碑

遼刻正書一石

東峯石室

大威德陀羅尼碑

遼刻正書十五石

東峯石室

摩訶摩耶經碑

遼刻正書一石

東峯石室

菩薩瓔珞經碑

遼刻正書十一石

東峯石室

大法炬陀羅尼經碑	遼刻正書三十石	東峯石室
五千五百佛名經碑	遼刻正書十三石	東峯石室
不空羅神變真言碑	遼刻正書七石	東峯石室
賢劫經碑	遼刻正書十八石	東峯石室
入法戒體碑	遼刻正書一石	東峯石室
定念經碑	遼刻正書一石	東峯石室
寶網經碑	遼刻正書一石	東峯石室
寶積經碑	遼刻正書未詳	東峯石室
受戒經碑	遼刻正書未詳	東峯石室
涅槃論碑	遼刻正書未詳	東峯石室
五蘊論碑	遼刻正書未詳	東峯石室
超信論碑	遼刻正書未詳	東峯石室

摩訶衍論碑

遼刻正書

東峯石室

十地經論碑

遼刻正書

東峯石室

大智度論碑

遼刻正書

東峯石室

十二門論碑

遼刻正書

東峯石室

須真太子經碑

遼刻正書二石

東峯石室

德護長者經碑

遼刻正書二石

東峯石室

超日明三昧經碑

遼刻正書五石

東峯石室

浴佛功德經碑

遼刻正書一石

東峯石室

未曾有因緣碑

遼刻正書一石

東峯石室

舍利弗悔過經碑

遼刻正書未詳

東峯石室

文殊悔過經碑

遼刻正書

東峯石室

法律三昧經碑

遼刻正書

東峯石室

十善業道經碑

遼刻正書

東峯石室

本生心地觀經碑

遼刻正書

東峯石室

不思議功諸佛所護念碑

遼刻正書三石

東峯石室

妙法決定業障經碑

遼刻正書一石

東峯石室

過去莊嚴劫千佛名經碑

遼刻正書一石

東峯石室

未來星宿劫千佛名經碑

遼刻正書一石

東峯石室

現在在劫千佛名經碑

遼刻正書一石

東峯石室

三曼陀毘陀羅經碑

遼刻正書未詳

東峯石室

理趣六波羅蜜經碑

遼刻正書

東峯石室

文殊問菩提經論碑

遼刻正書

東峯石室

阿毗達摩經論碑

遼刻正書

東峯石室

涅槃經古有今無經論碑

遼刻正書

東峯石室

金剛般若論碑

遼刻正書

東峯石室

三具足經論碑

遼刻

東峯石室

無量壽經論碑

遼刻

東峯石室

轉法輪經論碑

遼刻

東峯石室

瑜伽師地論碑

遼刻

東峯石室

顯揚聖教論碑

遼刻

東峯石室

王法正理論碑

遼刻

東峯石室

佛地經論碑

遼刻

東峯石室

遺教經論碑

遼刻

東峯石室

達摩雜論碑

遼刻

東峯石室

般若燈論碑

遼刻

東峯石室

入大乘論碑

遼刻

東峯石室

大丈夫論碑

遼刻

東峯石室

成唯識論碑

遼刻

東峯石室

廣百擇論碑

遼刻

東峯石室

廣百論碑

遼刻

東峯石室

掌珠論碑

遼刻

東峯石室

百論碑

遼刻

東峯石室

中論碑

遼刻

東峯石室

空論碑

遼刻

東峯石室

金剛經破取著不壞假名論碑

遼刻正書

東峯石室

彌勒菩薩所問經論碑

遼刻正書

東峯石室

勝思惟梵天所問經論碑

遼刻正書

東峯石室

廣公和尚靈塔記

金刻

在雲居寺

雲居寺孝公塔幢

金刻

雲居寺

豐公和尚靈塔記

金刻

在雲居寺

雲居寺孝公經幢

金刻

在雲居寺

陀羅尼經幢

金刻

在雲居寺

華巖堂施錢記

金刻

在雲居寺

瑜伽院主崇公靈塔記

金刻

在雲居寺

謙公法師靈塔記

金刻

為先亡老娘造陀尼經

金刻

報先寺尼淨石經幢

金刻

六聘山天開寺懺悔上人填塔記

金刻

在上方寺

天開寺觀音院主源公塔記

金刻

宏業寺悅禪師塔記幢

金刻

在北大寺

石經山幽燕奧室碣

元刻

雲居寺施錢記

元刻

重修興聖寺碑

元刻

在上萬村

純公靈塔經幢

元刻

黃山玉室洞天記

元刻

在張良洞

元靖達觀大師劉志厚墓記

元刻

元靖大師遺世頌幢

元刻

興聖寺堅公禪師壽塔記

元刻

在上萬村

興聖寺田園記

元刻

在上萬村

重修天開寺碑

元刻

在天開村

剏建黑龍潭記

元刻

在黑龍關

房山縣建學碑

元刻

在房山城

辭禪皇帝聖旨碑

元刻正書

在孤山口西

史公郁去思碑

元刻正書

在房山城

朱公禮去思碑

元刻

在房山城

達魯花赤脫脫帖木耳去思碑

元刻

在房山城

王公範去思碑

在房山城

鄧公宇德政碑

明刻

在房山城

李公琮去思碑

明刻

在房山城

陳公庭訓去思碑

明刻

在房山城

張公肇林生祠碑

明刻

在房山城

婁公應奎德政碑

清刻

在房山城

毋公配坤去弊碑

清刻

在房山城

羅在公實政碑

清刻

在房山城

重修華嚴經本記

元刻

天開寺陀羅尼幢

元刻

在天開寺

天開寺碑

元刻

在天開寺

雲居寺藏經記

元刻

在雲居寺

天開寺重修碑

元刻

在天開寺

佛住圓覺大禪師松溪和尚碑

元刻

重修雲居寺碑

元刻

在雲居寺

崇祿大夫守司待中宗主師靈塔

元刻

在瓦井村

重修文廟碑

明刻

在城文廟

重修文廟碑

明刻

在房山城

重修文廟碑

明刻

在房山城

重修縣學碑

明刻

在房山城

房山繕城記

明刻

在房山城

新建石城記

明刻

在房山城

重修漢前將軍廟碑

明刻

重修城隍廟碑

明刻

在房山城

重修三元廟碑

明刻

在西門外

重修福勝寺碑

明刻

在房山城

重修永壽寺碑

明刻

在周口店

重修木岩寺碑

明刻

在周口店

重修極樂寺碑

明刻

在黃山店西

勅建香光寺碑

明刻

在大韓其

紅羅嶽木梯記

明刻

在黃山店西

唐賈島墓碑記

明刻

在二站村

姚廣孝神道碑

明刻

在長樂寺

金太祖世宗陵碑

清刻

在車廠北

康熙金帝陵碑

清刻

在車廠北

重修學宮碑記

清刻

在房山城

重修宏業寺碑

清刻

在大宏寺

重修磚公院石殿碑

清刻

在婁子水

重修馬各莊二郎廟碑

清刻

在馬各莊

創建賈公祠碑

清刻

在二站南

修磚公院三清殿碑

清刻

在婁子水

小西天石經寺碑記

清刻

在小西天

佟公及劉淑人碑記

清刻

在婁子水

劉公墓誌銘

明刻

在南南二里

白水興隆寺記

明刻

在沙峪北舉人鄭民悅撰

鼎建先農壇記

清刻

在城東雍正四年尹元貢撰

孔水洞關帝廟記

清刻

在孔水洞進士徐夢陳撰

修整文昌祠碑記

清刻

在學校內

清涼寺東嶽廟記

清刻

在豆店西舉人邱秉哲撰

道光五年修文廟碑

清刻

在文廟內

重修牯牛河橋記

清刻

在白莊東高建勳撰

重建魁星閣碑記

清刻

在城東南隅知縣吳昌克撰

光緒三十年重修文廟記

清刻

在文廟內舉人王貽愷撰

剏修大安山石道記

清刻

在大安山廩生劉青綬撰

補鑄文廟祭器記

清刻

在文廟內舉人陳智撰

重修留台尖碑記

清刻正書

在大洪寺村舉人陳智撰

尹公銘績德政碑

民國正書二石

在房山署

優貢常履道
進士高潤生

撰

王公墓表

清刻

在牛口峪舉人李張瑞撰

重修碧霞元君廟碑

清刻

在饒樂府廩生劉青綬撰

常公霞軒墓誌銘

清刻

在周口店進士蘇繩武撰

楊母劉孺人墓碑

清刻

在北尚樂進士趙曾檣撰

王宋氏遷塋記

清刻

在石樓拔貢王邦屏撰

重修西東石橋記

清刻

在西東拔貢王邦屏撰

陳學愚先生祠堂記

民國

在南關

張公象昆重修公署碑

民國

在房山城

